



Na osnovu člana 25 Zakona o Tužilaštvu Brčko distrikta Bosne i Hercegovine („Službeni glasnik Brčko distrikta BiH“ broj: 19/07), člana 15. stav (1) Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj: 5/13 i 101/13), člana 10. stav (1) Uputstva o primjeni Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj: 5/13 i 101/13) i člana 13 i 14 Pravilnika o unutrašnjoj organizaciji i poslovanju Tužilaštva Brčko distrikta Bosne i Hercegovine - prečišćen tekst broj:A-310/2019 od 29.3.2024.godine, vršilac dužnosti glavnog tužioca Tužilaštva Brčko distrikta Bosne i Hercegovine p o d n o s i

I Z V J E Š T A J

O POŠTIVANJU PREDVIDIVIH I OPTIMALNIH ROKOVA ZA PERIOD 01.01.- 30.6.2025. GODINE

I - UVODNE NAPOMENE

U Izvještaju o poštivanju predvidivih i optimalnih rokova za period 01.01. - 30.6.2025. godine (u daljem tekstu: *Izvještaj*) iskazuje se postignuti nivo poštivanja predvidivih i optimalnih rokova u Tužilaštvu Brčko distrikta BiH (u daljem tekstu: *Tužilaštvo*) po vrstama i količini riješenih i neriješenih predmeta u izvještajnom periodu i drugi parametri kojima se iskazuje stepen izvršenja Odluke o predvidivim rokovima za rješavanje predmeta u 2025. godini, broj A-101/2025 od 14.2.2025. godine (u daljem tekstu: Odluka o predvidivim rokovima). Odluka o predvidivim rokovima donesena je u skladu s Uputstvom o primjeni Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj 5/13 i 101/13).

Iz praktičnih razloga Izvještaj se konceptualno naslanja na Odluku o predvidivim rokovima tako da se radi lakšeg iskazivanja i vrednovanja ukupnog institucionalnog učinka referira u odnosu na svaki element Odluke, sadržavajući u prilogu pored statističkog izvještaja o poštivanju optimalnih i predvidivih rokova (u daljem tekstu: statistički izvještaj) i analizu:

- a) pokazatelja iz statističkog izvještaja;
- b) raspoloživih resursa u Tužilaštvu;
- c) „perioda neaktivnosti“ u predmetima.

II – IZRAČUNAVANJE I ISKAZIVANJE PREDVIDIVIH ROKOVA

Izračunavanje predvidivih rokova – parametri

Za izračunavanje predvidivih rokova, u skladu sa članom 8. stav (3) Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj 5/13 i 101/13) (u daljem tekstu: Pravilnik) korišteni su sljedeći parametri:

- a) optimalni rok utvrđen Pravilnikom i
- b) vrijeme potrebno za rješavanje zaostalih predmeta (u daljem tekstu: vrijeme za zaostale predmete).

Optimalni rok, kao standardni vremenski okvir za zakonito i efikasno rješavanje predmeta, utvrđen je Pravilnikom, dok su pak za izračunavanje vremena za zaostale predmete korišteni sljedeći parametri:

- a) broj neriješenih predmeta određene vrste;
- b) godišnja orijentaciona norma utvrđena Pravilnikom o orijentacionim mjerilima za rad tužilaca u tužilaštvima u Bosni i Hercegovini („Službeni glasnik BiH“, broj 6/22);
- c) broj tužilaca koji zadužuju istražne predmete.

Za utvrđivanje broja neriješenih predmeta uzet je broj neriješenih predmeta po pravnom osnovu iskazan u Sistemu za automatsko upravljanje predmetima u tužilaštvima u Bosni i Hercegovini (u daljem tekstu: TCMS).

Planom rada Tužilaštva za 2025. godinu ukupna institucionalna norma Tužilaštva određena je u odnosu na 6,6 od ukupno sedam (7) nosilaca tužilačkih funkcija u Tužilaštvu, pa je kao parametar za izračunavanje predvidivog roka uzet broj tužilaca zadužen za postizanje navedene norme.

Iskazivanje i objavljivanje predvidivih rokova

Predvidivi rokovi iskazani su po glavama krivičnih zakona, kojim su propisana krivična djela iz nadležnosti Tužilaštva, i to:

- a) preuzetog Krivičnog zakona Socijalističke Federativne Republike Jugoslavije (za krivična djela protiv čovječnosti i vrijednosti zaštićenih međunarodnim pravom) i
- b) Krivičnog zakona Brčko distrikta Bosne i Hercegovine (za sva krivična djela).

Odnosni predvidivi rokovi iskazani su tabelarnim prikazom kreiranim u TCMS-u, koji je sastavni dio Odluke.

Zbog nepostojanja odgovarajuće funkcionalnosti u TCMS-u strankama nije izdavano obavještenje o predvidivom roku, dok je sama Odluka objavljena na internet stranici Tužilaštva www.jt-brckodistriktbih@pravosudje.ba.

III ANALIZA STATISTIČKOG I DRUGIH TCMS IZVJEŠTAJA

Analiza pokazatelja iz statističkog izvještaja o poštivanju optimalnih i predvidivih rokova

Prema automatski generisanim TCMS izvještajima: „Izvještaj o poštivanju optimalnih i predvidivih rokova“ i „Lista riješenih predmeta - predvidivi rokovi“ u posmatranom periodu riješena su ukupno 92 predmeta. Od toga više od polovine riješeno je u optimalnom ili predvidivom roku, njih 47 ili 51 %. U optimalnom roku riješeno je 34 predmeta ili 72,34% . Sa prekoračenjem predvidivog roka riješena su ukupno 45 predmeta ili 49%. Prema vrstama predmeta najveći broj riješenih predmeta sa prekoračenjem predvidivog roka odnosi se na krivična djela protiv braka i porodice (15) i krivična djela protiv imovine (14), a najmanji broj na krivična djela protiv polnog integriteta, krivična djela protiv javnog reda i mira i krivična djela protiv slobode i prava čovjeka (po 2).

Prema TCMS izvještaju „Lista neriješenih predmeta - predvidivi rokovi“ u radu su ostala ukupno 132 predmeta, od čega je njih 60 ili 45,5% i dalje u predvidivom roku, dok su 72 neriješena predmeta sa prekoračenjem predvidivog roka (54,5%). Prema vrstama predmeta najveći broj neriješenih predmeta sa prekoračenjem predvidivog roka odnosi se na krivična djela protiv imovine (16) i krivična djela protiv života i tijela (12) a najmanji broj na krivična djela protiv polnog integriteta, krivična djela protiv ustavnog uređenja, krivična djela protiv čovječnosti i vrijednosti zaštićenih međunarodnim pravom i krivična djela protiv slobode i prava čovjeka (po 1).

Među najznačajnije razloge za prekoračenje predvidivog roka spadaju objektivne okolnosti koje su u velikom broju predmeta suspendirali njihovo konačno rješavanje (nedostupnost osumnjičenog, ključnih svjedoka, upražnjenost tužilačkih i saradničkih pozicija i dr.), no svakako ne treba izgubiti iz vida i druge razloge za kao što su sporst u pribavljanju dokaza putem instrumenata pravne pomoći, posebna složenost, obimnost i druga specifična obilježja pojedinih predmeta.

Analiza raspoloživih resursa u tužilaštvu

a) Ljudski resursi

U trenutku sačinjavanja ovog izvještaja tužilačku funkciju u Tužilaštvu obnaša ukupno 6 (šest) nosilaca tužilačkih funkcija i to: vršilac dužnosti glavnog tužioca, zamjenik glavnog tužioca i četiri tužilaca Tužilaštva, pri čemu treba naglasiti da je od mjeseca aprila 2025.godine upražnjena jedna tužilačka funkcija u Odsjeku za organizovani kriminal, privredni kriminal i korupciju usljed imenovanja tužioca na mjesto sudije, da se jedan tužilac nalazi na privremenoj spriječenosti za rad usljed trudničkog bolovanja, kao i da tužilačka funkcija glavnog tužioca još uvijek nije popunjena.

Tužioci su bili raspoređeni po nižim organizacionim jedinicama, kako slijedi:

- a) Odsjek za ratne zločine - raspoređena dva tužioca;
- b) Odsjek za opći kriminal - raspoređena dva tužioca i vršilac dužnosti glavnog tužioca,
- c) Odsjek za organizirani kriminal, privredni kriminal i korupciju - raspoređen zamjenik glavnog tužioca .

Tužiocima u radu pomažu šest stručnih saradnika i jedan pripravnik. Normativno-pravnu, administrativno-tehničku i logističku podršku u radu tužiocima pružaju službenici: sekretar (1), šef administracije (1), operater-upisničar (2), operater-asistent (4), arhivar-operater (1) i vozač-kurir (1), dok je za jednu poziciju operatera-asistenta postupak zapošljavanja u toku. Shodno navedenom ukupan broj uposlenih u Tužilaštvu, uključujući službenike Administrativnog odjela, na dan sačinjavanja ovog izvještaja iznosi 23.

b) Materijalno-tehnički resursi

Sjedište Tužilaštva nalazi se u zajedničkoj zgradi pravosudnih insitucija Brčko distrikta BiH koju još koriste sudovi Distrikta. Zgrada predstavlja rekonstruirani bivši vojni kompleks s prenamjenom za civilne potrebe. Ukupna raspoloživa neto površina prostora koje koristi Tužilaštvo iznosi 818,54 m², dok radna površina izražena u bruto vrijednosti iznosi cca 950 m². U kasnije izgrađenoj zgradi pravosudne administracije za Tužilaštvo je osiguran dodatni podrumski prostor za smještaj arhive površine od 25 m², te jedno parking mjesto u zajedničkom zatvorenom garažnom prostoru. Uključujući pomoćne prostorije ukupna raspoloživa neto radna površina Tužilaštva iznosi cca 850 m².

Tužilaštvu nedostaju prostorije za: čuvanje arhivske građe, tajnih i ličnih podataka i oduzetih predmeta, zadržavanje osumnjičenih i parkiranje vozila.

Tužilaštvo raspolaže sa dovoljnim brojem putničkih vozila (3), računarskih jedinica (cca 1 po uposlenom) i pratećom tehničkom opremom.

Shodno izloženom, ukupni ljudski i materijalno-tehnički resursi obezbjeđuju dobre uslove za rad Tužilaštva Brčko distrikta BiH.

Analiza „perioda neaktivnosti“ u predmetima

U nedostatku egzaktnih statističkih izvještaja, koji bi izdvojili i prikazali predmete u kojima je bilo značajnih perioda neaktivnosti, kroz ovaj aspekt posmatranja rada Tužilaštva, moguće je gledati na predmete u kojima usljed objektivnih okolnosti (nedostupnost osumnjičenog, ključnih svjedoka, odsutnost tužilaca i dr.), preduzimanje daljnjih radnji u predmetu za određeni vremenski period nije bilo moguće. Radi preveniranja, neaktivnosti u predmetima iz subjektivnih razloga nastavljena je primjena ranijeg obavezujućeg uputstva glavnog tužioca prema kojem su tužioci dužni službenom zabilježkom svakih šest mjeseci detaljno navesti razloge za neokončanje istrage. Ovi razlozi se cijene od strane vršioca dužnosti glavnog tužioca nakon čega se donosi odluka o tome da li će se preduzeti neka od mjera iz njegove nadležnosti ili pak druga mjera.

U skladu sa Planom rada za 2025.godinu posebno se nadzire dinamika rješavanja starih i prioriternih predmeta, pri čemu su se rezultati nadzora prezentirali kroz česte interne radne sastanke vršioca dužnosti glavnog tužioca sa tužiocima i na sjednicama Kolegija Tužilaštva.

Prijedlog mjera kako bi se utvrđeni predvidivi rokovi skraćivali i približavali optimalnim rokovima

1. Povlačiti mjesečne statističke izvještaje o poštivanju predvidivih rokova i vršiti njihovu analizu (nosioci aktivnosti: tužioci; rok: kontinuirano);
2. Pojačati dinamiku rješavanja predmeta kod kojih je došlo do prekoračenja rokova (nosioci aktivnosti: tužioci; rok: odmah);
3. Davati prioritet u radu predmetima kod kojih je bliži istek predvidivog roka (nosioci aktivnosti: tužioci; rok: odmah);
4. Preduzimati druge mjere iz nadležnosti nosilaca tužilačkih funkcija (nosioci aktivnosti: vršilac dužnosti glavnog tužioca i tužioci; rok: kontinuirano).

Pored navedenih posebnih mjera, mjerama opće prirode tužiocima je naloženo da uspostave i održavaju odgovarajuću dinamiku u rješavanju predmeta. Optimalnu dinamiku u predmetima tužioci su dužni održavati redovnim i blagovremenim preduzimanjem tužilačkih radnji i mjera iz svoje nadležnosti, pravilnim određivanjem i praćenjem optimalnih rokova evidencije u spisima i drugim efektivnim mjerama na koje su ovlašteni tako da period neaktivnosti u predmetu bude sveden na najmanju moguću mjeru. Određeno je da period neaktivnosti, koji se računa od dana preduzimanja posljednje tužilačke radnje u spisu, iz objektivnih razloga ne može trajati duže od dva mjeseca u predmetima općeg kriminala i starim predmetima bez obzira na vrstu, odnosno tri mjeseca u predmetima privrednog kriminala i korupcije. Ukoliko je period neaktivnosti jednom ili više puta prekoračen tužioci su bili dužni za svako takvo prekoračenje u službenoj zabilješci navesti detaljne razloge i objašnjenja u skladu s Obavezujućim uputstvom o održavanju efikasnosti u upravljanju tužilačkim predmetima, broj: A- 15/2020 od 13.1.2020.godine.

IV - IZVRŠENJE, NADZOR I IZVJEŠTAVANJE

Za izvršenje Odluke neposredno su zaduženi tužioci. Nadzor nad izvršenjem Odluke vršio je vršilac dužnosti glavnog tužioca uvidom u evidencije o riješenim predmetima i preduzimanjem drugih mjera iz svoje nadležnosti (uvidom u TCMS i druge statističke izvještaje).

Broj: A-101/2025
Brčko, 11.7.2025. godine

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ



Dostavljeno:

1. Visokom sudskom i tužilačkom vijeću BiH;
2. Tužiocima;
3. a/a 1 x;

Izvještaj o poštivanju optimalnih i predvidivih rokova

* Parametri sa kojima je pokrenut izvještaj

Tužilaštvo TUŽILAŠTVO BRČKO DISTRIKTA BIH
 Tužilac RADMILO IVANOVIĆ
 VLADIMIR TEPAVČEVIĆ
 AMINA DEDIĆ
 DEJANA JOVANOVIĆ
 DIJANA AZAPAGIĆ
 DIJANA AZAPAGIĆ
 GORDANA RADOVANOVIĆ
 Prikaži u listi "Tužilac" i ranije tužioce < BEZ VRIJEDNOSTI >
 Prikaži tužioce na izvještaju BEZ TUŽILACA
 Izvještajni period od 01.01.2025
 do 30.06.2025

TUŽILAŠTVO BRČKO DISTRIKTA BIH

Izvještajni period : 01.01.2025 - 30.06.2025

| Vrsta predmeta | Optimalni rok | Predvidivi rok | Broj predmeta u radu | | | Broj riješenih predmeta | | | | Prosječno trajanje riješenih predmeta | Broj neriješenih predmeta na kraju izvještajnog perioda | | | | Prosj traj nerj predmeta na kraju perioda |
|------------------------------------------------------------------|---------------|----------------|-------------------------------|---------------------|-----------------|-------------------------|--------------------|--------------------------|-----------------|---------------------------------------|---------------------------------------------------------|--------------------------|---------------------------|-----------------|-------------------------------------------|
| | | | neriješeno na početku perioda | primljeno u periodu | ukupno predmeta | u optimalnom roku | u predvidivom roku | sa prekorač. predv. roka | ukupno predmeta | | sa prekorač. opt. roka | sa prekorač. predv. roka | bez prekorač. predv. roka | ukupno predmeta | |
| | | | | | | | | | | | | | | | |
| X Krivični postupak | | | | | | | | | | | | | | | |
| Istraga - Krivična djela protiv sigurnosti javnog prometa | 71 | 101 | 7 | 13 | 20 | 3 | 4 | 3 | 7 | 119 | 8 | 6 | 7 | 13 | 151 |
| Istraga - Krivična djela protiv imovine | 71 | 124 | 28 | 53 | 81 | 19 | 28 | 14 | 42 | 134 | 27 | 16 | 23 | 39 | 177 |
| Istraga - Krivična djela protiv javnog reda i mira | 71 | 101 | 6 | 5 | 11 | 2 | 2 | 2 | 4 | 399 | 5 | 5 | 2 | 7 | 806 |
| Istraga - Krivična djela protiv pravosuđa | 71 | 101 | 2 | 1 | 3 | 0 | 0 | 0 | 0 | 0 | 3 | 3 | 0 | 3 | 519 |
| Istraga - Krivična djela protiv života i tijela | 86 | 123 | 14 | 23 | 37 | 5 | 6 | 4 | 10 | 181 | 16 | 12 | 15 | 27 | 186 |
| Istraga - Krivična djela protiv polnog integriteta | 86 | 116 | 2 | 2 | 4 | 0 | 0 | 2 | 2 | 472 | 1 | 1 | 1 | 2 | 88 |
| Istraga - Krivična djela protiv zdravlja ljudi | 101 | 130 | 10 | 3 | 13 | 0 | 0 | 3 | 3 | 655 | 9 | 9 | 1 | 10 | 375 |
| Istraga - Krivična djela protiv privrede i platnog prometa | 101 | 131 | 5 | 2 | 7 | 1 | 1 | 0 | 1 | 19 | 5 | 5 | 1 | 6 | 333 |
| Istraga - Krivična djela protiv opšte sigurnosti ljudi i imovine | 101 | 131 | 0 | 2 | 2 | 0 | 0 | 0 | 0 | 0 | 0 | 0 | 2 | 2 | 66 |

Izvještaj o poštivanju optimalnih i predvidivih rokova

| Vrsta predmeta | Optimalni rok | Predvidivi rok | Broj predmeta u radu | | | Broj rješениh predmeta | | | | Prosječno trajanje rješениh predmeta | Broj nerješениh predmeta na kraju izvještajnog perioda | | | | Prosječno trajanje predmeta na kraju perioda |
|------------------------------------------------------------------------------------------|---------------|----------------|------------------------------|---------------------|------------------------|------------------------|--------------------|--------------------------|------------------------|--------------------------------------|--------------------------------------------------------|--------------------------|---------------------------|------------------------|----------------------------------------------|
| | | | nerješeno na početku perioda | primljeno u periodu | ukupno predmeta | u optimalnom roku | u predvidivom roku | sa prekorač. predv. roka | ukupno predmeta | | sa prekorač. opt. roka | sa prekorač. predv. roka | bez prekorač. predv. roka | ukupno predmeta | |
| | I | II | III | IV | III + IV | V | VI | VII | VI + VII | VIII | IX | X | XI | X + XI | XII |
| Istraga - Krivična djela protiv životne sredine | 101 | 131 | 0 | 2 | 2 | 0 | 0 | 0 | 0 | 0 | 2 | 1 | 1 | 2 | 143 |
| Istraga - Krivična djela protiv braka i porodice | 41 | 71 | 19 | 14 | 33 | 3 | 3 | 15 | 18 | 149 | 12 | 9 | 6 | 15 | 199 |
| Istraga - Krivična djela protiv ustavnog uređenja | 101 | 131 | 1 | 0 | 1 | 0 | 0 | 0 | 0 | 0 | 1 | 1 | 0 | 1 | 1449 |
| Istraga - Krivična djela povrede autorskih prava | 41 | 41 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| Istraga - Krivična djela protiv službene dužnosti | 158 | 158 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| Istraga - Krivična djela protiv čovječnosti i vrijednosti zaštićenih međunarodnim pravom | 180 | 284 | 1 | 0 | 1 | 0 | 0 | 0 | 0 | 0 | 1 | 1 | 0 | 1 | 2503 |
| Istraga - Krivična djela protiv slobode i prava čovjeka | 71 | 101 | 4 | 2 | 6 | 0 | 2 | 2 | 4 | 144 | 2 | 1 | 1 | 2 | 300 |
| Istraga - Krivična djela protiv oružanih snaga | 71 | 71 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| Istraga - Krivična djela iz oblasti poreza | 71 | 101 | 2 | 1 | 3 | 1 | 1 | 0 | 1 | 3 | 2 | 2 | 0 | 2 | 654 |
| Istraga - Krivična djela terorizma | 180 | 180 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| Ukupno : | | | 101 | 123 | 224 | 34 | 47 | 45 | 92 | 174 | 94 | 72 | 60 | 132 | 275 |